



四川大學古籍整理研究所編

儒藏

史部

第八十六冊

四川大學出版社



四川大學古籍整理研究所 編

儒藏·史部

儒林年譜

第三十六冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目



儒藏

目錄

目錄

尋樂堂日錄續	清·寶克勤 自撰	寶容莊 寶容邃 同編	一
納蘭性德年譜	張任政 編撰		五九七
李恕谷先生年譜	清·馮辰 編撰	惲鶴生 修訂	六五一
	劉調贊 續編	李鎔 重訂	

尋樂堂日錄卷十九

朱陽寶克勤艮齋甫著 男

容莊 容邃 全編

四十一年壬午五十歲。

春正月六日、使赴陵縣糴糧。○十四日、校制藝

功竣。○十七日、輯日錄。○二十一日

各楊士 昭書

客歲九月手翰至、殷殷虛懷、因瞻遂養、自禮
闡失此大器、腕惜久之。嘗向知已稱董帷之



儒藏

尋樂堂日錄 卷一九

力知其必不留行。然此特勢分之榮爾。明年
掇巍科、讀中秘書、易如拾芥、此不足位置門
下也。更思吾性分內有道德、充盈民物、繫賴
之實際。今世學者畧是不講、惑之者衆矣。聞
門下鍵戶潛脩、高才卓識、而一歸於聖賢中
正之道、望重中原、久推傑士。因想伊洛淵源
近在吾鄉、肩任斯道。○二十二日 沈南季同
以圖千秋定益力也。○二十三日 寫京邸
人小像。○二十六日 自二十三日起寫京邸
課子圖是日工竣。○二

十九日、北直學院楊賓實來晤。

訪課士之道、
子謂士習不

端、由上教化不立、教化不立、由於視課文可
以塞責、而不計興廉勵耻之道、是不知端士



習厚風俗之本也。今於校文外寓鄉舉里選之法。訪有孝弟忠信之士。異格相待。豈不爲激勸人心之本乎。如此蓄養。爲國家異日之用。人材輩出。所造不小。至因革損益。酌劑輕重。隨時處之。非可預度也。

二月朔與楊賓實書

畿輔爲天下之觀瞻。學使爲斯文之宗主。以理

學名儒。特膺重任。同朝慶忭。豈爲一人幸哉。爲世道人心幸爾。當此微陽發動。絕學待興之日。正需大君子在世。運本根處培壅。振士氣。端士習。興孝弟。養廉耻。此爲正人心之要着。於衡文中寓此意。取士定有處爲真儒。出爲名臣。一流起而應我者。不患世無真人品。

患我無真精神、善設施、以鼓舞振興之爾。賜顧詢及芻蕘、區區之見、安能助萬一。但時當乾二之占、運繫文明之會、
○五日 與李鼎珠、願効狂瞽、以備採擇爾。客歲

四月一札、反復千餘言、無非崇正闢邪之苦心。近取之書、遠尋程朱之緒、於王氏惑

世誣民之說、闢之不遺餘力。其中論王氏之

害道者、則曰任心自恣、此四字道出病源、學

者曉此、更不慮其浸入迷途也。邇來功利浸

淫、學術正路難得如此別白。門下肩荷斯道、

深可爲幸。近功自益精進、示下何如。朱陽書

院講習之語、諸同人梓之京師、殊增愧慙。門

下更爲。○六日、容莊至京。○七日 耿子京書

正之。來言書院



興復之事。○門人盧珏書來問人生步趨定有中道何以致力不致有偏倚之患行遠不至有半。○八日內閣詹翰國子監共一處作途之悲。

佛事祈禱病不能至。○九日

陳孟叢姻家至京視其女。○答

姑丈張公虛翁書。莊兒至知道體亨泰想慕之忱得寬旦夕。但一官匏繫未遂名山訂志之樂。所取文字未盡羽翼經傳。雖文行對勘不敢翫委任之意。然了此一事他事每多悠忽未爲國家抒寸長乃過蒙聖明加俸優視不識臣子將來何以塞責。尚冀教我爲幸也。○答母舅李公長公書。年來幾欲假歸然爲例所限無可去之法只得衙門公事

之餘閉戶課子以了詩書之債。但珠桂維艱。瞻養爲難。幸君恩浩蕩。卹其貧而培壅之。每年加俸三十六金。於常祿外又有衙門公費銀二十四兩。得此日用又覺稍輕。雖一歲仍自缺乏。然而聖王之體恤爲已厚矣。近日京中之事大抵如此。子萬爲學之功當益力也。○答楊太和先生書。遠承賜藥。愛我深至。手書端楷。潤美可謂學與歲新也。書院與家君舍弟及子姪輩講論無踰孝弟忠信。飲食衣服之常事。而天下之道盡此矣。至正朔拜聖殿畢。赴講堂賜拜。此過禮不敢當。敬辭。聞明篤行赴書院肄業。時賜提携。當幸不孤。○十一日。答耿子京書。小兒過貴署。知爾。近日起文會。印孝經要旨。家規。



自課諸書、公之學校、訂日令童子背孝經、種善教、廣傳家學、聞之喜而不寐。又聞書院董良器總其成、王兄照料得法、可喜永久無弊。王兄何處人、何名號、示下爲幸。近思念先生不置、將所賜手札三十餘幅、裱一手卷、以志不忘。內有三札遺失、幸原稿載敬恕堂文集內、錄去、乞手書寄下、是卽當日手蹟所存也。敬恕堂文集紀年欲約同志梓行、未知能遂此願否。先生平日臨池、多檢幾幅見賜、留神留神。○答盧尹書、睽違日久、回思聚首一堂時、不可多得。然異地同心、知自力也。來札云朋友所賴者、惟一芮正、且文武各遊、津維馨亦食餼甚慰。晤時並致民先所云、致力不至偏倚、行遠不至半途、此無別法、知有偏

倚勿至偏倚、懼至半途、勿至半途可矣。昔韓公持國與程子語、歎曰、暮日、老者行去矣。程子曰、公勿去可也。公曰、如何能勿去。程子曰、不能則去可也。此語深思、當自得之。匆匆不暇多及。近得一邵旦平、持守堅定、又得一李鼎珠、崇正闢邪、銳志倡明程朱之學於斯世。二子進道甚勇、虛懷可敬、諸君當爲致之、可幸同志有人也。○十九日、左

足病。○二十四日、使自陵縣運糧來、谷君命侯、許君良臣各送糧僱船。○二十七日、足病愈。○大理卿汪涵齋先生來晤、因佛教盛行、



慨嘆久之。○二十八日筮得華之天過。

為佛教盛

行故也。華之初九曰：輦用黃牛之華。言當固守其德，不可有為也。六二曰：已日乃革之。征吉，无咎。言事當可革，占者猶未可遽革也。○因佛教盛行，草疏千餘言，欲上不能無高堂之慮，及筮又得華之。○二十九日，謀之汪涵齋先生亦以高堂為慮。

三月朔再筮得遯之晉。

占上章與否也。遯之九三日係遯有疾厲。

畜臣妾吉。言宜遯之速而不可係也。九五曰：嘉遯貞吉。言未見可去之時，而見幾明決引。

身而去全身全節去得恰好。遯之嘉美者也。則知時而遯爲貞，不殆不辱而吉矣。○筮得遯爻，黯然久之，謂莊邃曰：「易之示我至矣，尙有不可去者乎？」取疏草焚之，遯意遂決。更其齋曰「遯齋」，因爲作歌。○遯齋歌：「遯之時義大乎其微。天遠於山，山近者希。人何其加靜者，窺機南來，烏鵲日逐而飛。深崖幽澗，白晝掩扉。不喜而闇，不怒而威。爲初之尾，爲上之肥。二執四好，三係何依。得遯之嘉，是日無違。人不我嫌，我善我歸。與時偕行，君子知幾。先時則愆，後時亦非。我行我遯，園蕪蔬稀。退而安鋤，山空露晞。優游盛世，不寒不饑。風雨無愆，仰天巍巍。」

○三日

答門人明辨書。某再赴都，因致料理書院之功少。賢在



此讀書功夫勿作輟相間、繩繩爲之、與日俱新、此片地非終身安居樂業之地乎。所寄時藝稍加潤美、如萬物燥爍、不無焦枯、一經雨露滋澤、則發榮暢遂矣。學問日進之機、不可不知也。二、三子弟每向如此說、想不大謬。身逐京塵、夢寐在屏山綠溪間、未識何日得遂返廬之願、想當不遠爾。念念。

○四日

門人徐永宣書來、商

訂之。

○六日

答徐永宣書、拙稿災梨、過費清思、再四思惟、益深感愧。所云

或係舊交、武曹必經校選、方可授梓。今思便商酌、無不可也。戊辰歲、曾選拙稿近百首、大約皆應舉之文、幸爲賈人所沉。茲集

存十之一二。倘再經公

手定刪之。其亦可也。

○七日

約刊耿嵩陽先生文集啟

竊惟道待人行。言因德著。幸典型之未墜。知法守之常昭。願藉表章。期無湮晦。茲登封耿逸庵先生嵩靈毓秀。道岸登先。探鄒魯之淵源。學通仁孝之旨。續洛閩之脈絡。教衍敬恕之傳。著作等身。皆開闢而啟鑰。編摩垂訓。允繼往以開來。前刊理學諸書。海內傳流。知誦法。更校遺文全部。吾人守奉爲楷模。但藏之名山。羞貽吾黨。而公之斯世事望同人。茲欲開雕。累牘煥珠璣之彩。敢希助梓。鴻篇增琬琰之光。多寡從心。喜文獻之能徵。惟此日。提携爲道。欣姓名之永勒。在他年。成君子之美於千秋。美非獨美。廣大儒之傳於萬禩。傳



則俱傳。洵爲絕學之維持、實繫斯文之炳耀。諒先生長者必弘開覺世之心。而同志諸公亦大遂崇儒之願者也。謹啟。

○八日

商刻耿嵩陽先生文集、孟長甫慨任首輸。

子佩表儒崇道之志、因想見雲浦先生家學宛然具在、詩以爲贈。新安那說鄭公鄉祖

德君家澤正芳。學脈傳流存獻典、儒宗表著見羹牆。伊川不沒編書苦、嶽色全分遺老光。

可喜千秋徵盛事。○九日 送孟長甫之任連倡先雅志向嵩陽。○山傳公後中翰傳

廣卿學正卽席分韻得長字。嵩風繞向洛溪侯、學道十年奮遠揚。銜命階墀瞻王聖、

投戈嶺海視臣良。補自警。東青天把酒煙雲動、白日呼茶興味長。共報使君春色好、乘時吾